

MALAYSIA
DEWAN NEGARA

ATURAN URUSAN MESYUARAT

HARI SELASA, 12HB JANUARI, 1982 PUKUL 2.30 PETANG

Bil.26

PERTANYAAN-PERTANYAAN BAGI JAWAB MULUT

- *1. Tuan Alexander Lee minta Menteri Wilayah Persekutuan menyatakan sama ada beliau sedar bahawa pihak Dewan Bandaraya telah tidak memotong lalang-lalang yang tumbuh di kawasan-kawasan awam di beberapa tempat di Kuala Lumpur yang merupakan satu ancaman kebakaran kepada penduduk-penduduk berhampiran terutama pada musim panas.
- *2. Tuan S.Subramaniam minta Menteri Wilayah Persekutuan menyatakan rancangan beliau untuk menjual rumah pangsa Kerajaan di Wilayah Persekutuan kepada penghuni-penghuni, khasnya kepada mereka yang telah menduduki lebih dari sepuluh atau lima belas tahun secara ansuran kepada Kerajaan.
- *3. Puan Hajjah Salmah binti Sheikh Hussain minta Menteri Kebajikan Am menyatakan:-
- (i) jumlah orang buta yang didaftarkan dalam negara ini dan daripada jumlah ini berapakah yang telah mendapat pendidikan; dan
 - (ii) jumlah mereka yang berumur kurang daripada 25 tahun; dan
 - (iii) punca-punca mengapa mereka ini menjadi buta.
- *4. Puan Ragayah binti Ariff minta Menteri Perusahaan Utama menyatakan sama ada Kementerian akan mengadakan satu undang-undang yang ketat supaya pihak pengusaha-pengusaha lombong tidak lagi menjalankan perusahaan perlombongan berhampiran dengan kampung-kampung yang didiami oleh penduduk-penduduk supaya tidak akan berlaku kemalangan lagi.
- *5. Dato' Haji Mahmoud Salim bin Haji Mohamad minta Perdana Menteri menyatakan memandangkan bahawa rayuan dalam perbicaraan kes-kes jenayah di negara ini ke Majlis Privy telah diberhentikan sejak 22.1.76 oleh kerana para hakim di negara ini telah mempunyai pengalaman dan pengetahuan yang cukup di dalam perbicaraan-perbicaraan tersebut, tetapi rayuan perbicaraan civil masih dibawa ke Majlis Privy, sama ada beliau sedar bahawa keadaan ini adalah ganjil kerana dalam kes jenayah yang hukumannya bergantung dengan nyawa seseorang kita menyerahkan kepercayaan yang sepenuh kepada hakim kita untuk keputusannya yang muktamad, tetapi di dalam perbicaraan sivil yang hukumannya berhubung dengan harta seseorang sahaja kita masih tidak memberi kepercayaan sepenuh terhadap keupayaan para hakim kita memberi keputusan muktamad tetapi sebaliknya masih bergantung kepada Majlis Privy. Jika ya, nyatakan bilakah rayuan perbicaraan kes sivil ke Majlis Privy akan diberhentikan.
- *6. Tuan Syed Kamarulzaman bin Syed Bahaldin minta Menteri Hal Ehwal Dalam Negeri menyatakan:-
- (i) jumlah warganegara Malaysia di luar negeri yang telah menggugurkan kerakyatan mereka; dan

/sh

- (ii) sama ada di antara mereka yang memohon kembali menjadi rakyat Malaysia dan, jika ada, nyatakan syarat-syarat istimewa yang dikenakan atas mereka.

*7. Tuan K.Kumaran minta Menteri Kesihatan menyatakan:

- (a) bilangan pakar pesakit jiwa (psychiatrists) yang telah meletakkan jawatan di Hospital Bahagia Tanjong Rambutan;
- (b) sama ada Kementerian sedar bahawa pakar pesakit jiwa di Hospital tersebut adalah sangat-sangat tidak mencukupi; dan
- (c) langkah-langkah yang sedang diambil untuk melatih lebih banyak pakar pesakit jiwa di negara ini.

*8. Tuan M.Mahalingam minta Menteri Perdagangan dan Perindustrian menyatakan tindakan-tindakan pencepatan sedang diambil mengikut objektif Perkembangan seimbangan di Wilayah-wilayah bagi memajukan perkembangan dan perusahaan-perusahaan ke kawasan-kawasan yang kurang maju di negara ini.

*9. Dato Hajjah Fatimah binti Haji Salim minta Menteri Wilayah Persekutuan menyatakan sama ada beliau sedar bahawa Jalanraya Kuching/Kepong didapati selalu sesak dengan lalulintas. Jika sedar, sama ada beliau ada cadangan untuk meluaskan jalan tersebut oleh kerana apabila berlaku sesuatu kerosakan atau kemalangan lalulintas berderet berbatu-batu panjangnya.

*10. Datuk G.Pasamanickam minta Menteri Perdagangan dan Perindustrian menyatakan sama ada beliau akan terus mengadakan lawatan keluar negeri untuk menarik lebih banyak pelaburan dari luar negeri ke Malaysia seperti dilakukan oleh bekas Menteri Perdagangan dan, jika ya, apakah negeri-negeri yang beliau bercadang untuk melawat.

*11. Tuan Haji Ibrahim Abdullah minta Menteri Luar Negeri menyatakan sama ada benar bahawa Amerika sanggup membekalkan senjata kepada Asia Tenggara dan bersedia membantu Negara-negara ASEAN khasnya Thailand menentang ancaman dari Russia dan Vietnam; jika benar nyatakan sama ada ASEAN telah mengubah sikap berkecualinya atau keadaan memaksanya untuk menerima bantuan luar itu.

*12. Tuan Haji Ariffin bin Haji Salleh minta Menteri Perdagangan dan Perindustrian menyatakan sama ada beliau sedar terhadap kemasukan sama ada dengan cara seludup atau impot cara "HALAL" kain-kain Batek dari Negeri Thai ke negara ini, khususnya di Kelantan; dan sama ada beliau sedar bahawa penyeludupan/kemasukan Kain Batek Thai itu ke negara ini, telah mengancam Pengusaha Batek Tradisional di Negeri Kelantan.

*13. Dato Haji Mohd.Nor Mohamad minta Menteri Perdagangan dan Perindustrian menyatakan:-

- (a) bilangan syarikat-syarikat tertutup iaitu syarikat-syarikat dan cawangan-cawangan syarikat kepunyaan seratus peratus oleh orang-orang atau syarikat-syarikat asing;
- (b) apakah langkah-langkah diambil di atas mereka untuk menyusun semula pemilikan modal syarikat-syarikat ini dengan secepat mungkin; dan

- (c) sama ada ia bersetuju dengan langkah-langkah negara Asean yang lain bahawa syarikat tertutup ini patut membayar 10% tambahan cukai pembangunan.
- *14. Dr. Choo Kooi Fook minta Menteri Hal Ehwal Dalam Negeri menyatakan sama ada Kerajaan bercadang untuk mendaftarkan semua pendatang Haram Indonesia yang ada dalam Negeri ini sekarang dengan tujuan untuk mengetahui siapa mereka itu sebenarnya dan apabila mereka diberhentikan kerja mereka akan dihantar balik ke Indonesia.
- *15. Datuk Haji Mohd. Din bin Jaafar minta Menteri Kewangan menyatakan berapa banyakkah Saham-saham yang dipegang oleh Malaysia dalam Pasaran Saham Commonwealth dan E.E.C.
- *16. Tuan Haji Tuan Yaacob bin Haji Engku Yunus minta Perdana Menteri menyatakan sama ada Kerajaan bercadang untuk membeli kapal-kapal Laut untuk membawa Jemaah Haji ke Mekkah memandangkan melalui Kapal Laut, para jemaah Haji boleh membawa lebih dari 100 kati, barang keperluan, seperti makanan dan lain-lain.
- *17. Tuan V.V. Aboo minta Menteri Luar Negeri menyatakan:-
- (a) apakah pendirian Kerajaan di atas konflik atau kekecohan yang semakin berlarutan di negeri-negeri Timur Tengah;
 - (b) adakah Kerajaan sedia campurtangan atau memberi kerjasama kepada mana-mana negara Islam yang ingin mengambil inisiatif atau usaha untuk mereka dan mendamaikan percakaran di antara negara-negara Islam di Timur Tengah; dan
 - (c) sama ada kekecohan di negara-negara Timur Tengah, boleh mengakibatkan terjejasnya hubungan Malaysia dari segi ekonomi atau diplomatik dengan negara-negara tersebut.
- *18. Datuk G. Pasamanickam minta Menteri Pelajaran memberikan perincian mengenai perlantikan Pengarah-pengarah dan Timbalan Pengarah Pelajaran semua negeri Semenanjung Malaysia mengikut pecahan kaum dan apakah cadangan Kementerian untuk memberi keseimbangan di antara semua kaum dalam negeri ini untuk memegang jawatan-jawatan tersebut.
- *19. Tuan Haji Ibrahim Abdullah minta Perdana Menteri menyatakan sama ada:
- (a) semua jabatan dan pejabat Kerajaan telah mengamalkan sistem "Punch Clock" yang baharu sahaja dikuatkuasakan; dan
 - (b) sebuah unit khas untuk mengawas disiplin dan pelaksanaan sistem "Punch Clock" itu akan ditubuhkan.
- *20. Tuan Haji Ariffin bin Haji Salleh minta Menteri Hal Ehwal Dalam Negeri menyatakan memandangkan Agama Islam sebagai Agama Rasmi Negara yang tercatat dalam perlembagaan dan sejak akhir-akhir ini adanya parti politik tertentu menggunakan Agama bagi kepentingan politiknya sehingga memecah belahkan bukan sahaja perpaduan dan persefahaman masyarakat di sesuatu tempat, malah berlakunya cerai berai antara suami isteri dan sebagainya sama ada Kerajaan bercadang perkara menyalah gunakan "AGAMA" itu sebagai satu perkara sensitif yang boleh diambil tindakan di bawah Undang-undang tertentu.
- *21. Tuan Alexander Lee minta Menteri Pelajaran menyatakan sama ada Kementerian bertujuan untuk menambahkan tempat-tempat yang ada di Universiti-universiti tempatan untuk mengambil lebih pelajar bukan Melayu, memandangkan bahawa yuran-yuran di Britain telah dinaikkan yang menyebabkan sukar bagi ibubapa-ibubapa bukan Melayu untuk menghantar anak-anak mereka ke Britain.

ATURAN URUSAN MESYUARAT

- | | | | |
|----|------------|---|------------------------|
| 1. | (DR.16/81) | Rang Undang-undang Membaharui Undang-undang (Penghapusan Samsu Gelap) (Pindaan) - Menyambung semula Perbahasan atas Masalah, "Bahawa Rang Undang-undang ini dibacakan kali yang kedua sekarang." (11hb Januari, 1982) | |
| 2. | (DR.18/81) | Rang Undang-undang Mahkamah Kehakiman (Pindaan) | Bacaan Kali Yang Kedua |
| 3. | (DR.23/81) | Rang Undang-undang (Perancangan) Wilayah Persekutuan | " |
| 4. | (DR.24/81) | Rang Undang-undang Ibu Kota Persekutuan (Pindaan) | " |
| 5. | (DR.19/81) | Rang Undang-undang Keistimewaan Diplomatik (Konvensyen Vienna) (Pindaan) | " |
| 6. | (DR.21/81) | Rang Undang-undang Pejabat Pos (Pindaan) | " |
| 7. | (DR.22/81) | Rang Undang-undang Harta Pesaka Kecil (Pembahagian) (Pindaan) | " |

/sh